



SULEQATIGIISITSISUT
SAMARBEJDSPARTIET

Nuuk ulloq 04. juuli - 2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

1. Air Greenland codesharenut qassinik isumaqatigiissuteqarpa imaluunniit allanut angalatitseqatigiiffinnut tamakkiisumik ilaannakoortumilluunniit pisortanit pigineqatunut?

2. Naalackersuisut nassuiarsinnaanerlugu sooq ingerlatseqatigiiffiit nunarsuarmi timmisartortitseqatigiiffinnik allanik suleqateqarnersoq imaluunniit suleqateqannginersut?

3. Timmisartortitseqatigiiffiit, annguffissanik neqerooruteqartartut angalatitseqatigiiffiillu il.il. siunissami suleqatigineqarnerulernissaat pilersaarutaanerluni, Kalaallit Nunaannut takornariat amerlanerusut annguttalernissaat pillugu?

4. Apeqqut 3 angerneqassappat inussiarnersumik tamanna nassuiaqqulaarpara.

Tungavilersuut:

Nunatsinnut takoarnariat amerlanerusut tikittalernissaannut periarfissat eqqartungaatsiarneqartarput, taamaakkaluartorli suliniutit ilaannaminngui tigussaasunik imaqartarput. Innuttaasullumi qinikkallu suliniutinik allanik ilisimasaqanngillat pilersaarussuit piviusorsiuunngivissut eqqaassanngikkaanni kiisalu aqqissuussinerit akisoorsuit eqqaassanngikkaanni, taamaallaat ikittuinnarnik pilersaaruteqarpoq qanoq iliorluta takornariat amerlanerusut Kalaallit Nunaannukartittalernissaannut - naak tamanna ilungersorluta sulissutigisimagaluaripput ukiuni kingullerni 15-20-ni aamma naak ukiorpassuarni kissaatiginikuugaluaripput takornariat amerlisarnissaat.

Suleqatigiissitsisut paaserusupparput qanoq iliorluta takornarianik tikilluaqqusisartussanik pissarsisinnaassanersugut ilinniartitsisinnaassanersugullu aamma taamaattumik uani tigussaasumik ujjartorpagut suut pilersaarutaanersut, qularnaarumallugu ingerlatseqatigiiffiit pisortanit tamakkiisumik ilaannakoortumillu pigineqartut aqqutigalugit amerlanerit ilisimasaqarfigilissagaat Kalaallit Nunaat tikiqqarsinnaasoq. Assersuutigalugu SAS Star-Alliancemut codshareqarpoq, taamaasilluni annguffissanut amerlasuunut amerlanerit inniminniisarnissaat periarfissaalersarpoq ataqatigiisilerlugit najukkami ingerlatseqatigiiffiit nunanilu allani angalatitseqatigiiffiit, qaavatigut aamma tamanna angalasunut toqqissisimanartuusarluni.

Apeqqutima qulaaniittut ullut sulliviit naliginnaasut qulit iluanni akineqarnissaannut qilanaarpunga.

Tillie Martinussen
Samarbejdspartiet - Suleqatigiissitsisut